

# নুহাশ হুমায়ূনের ‘পেট কাটা ষ’

২০২৪ সালে অনেক সিনেমা সিরিজ কনটেন্ট মুক্তি পেয়েছে ওটিটি প্ল্যাটফর্মে। বছরের শেষ মাসে ওটিটি প্ল্যাটফর্মে মুক্তি পাওয়া দেশ বিদেশের ওটিটির কাজগুলো নিয়ে জানাচ্ছেন গোলাম মোর্শেদ সীমান্ত।



## ২৫ - চরকি

১৯ ডিসেম্বর ওটিটি প্ল্যাটফর্ম চরকি’তে মুক্তি পায় পাঁচ জনের পাপের পাঁচ রকম অলৌকিকতা নিয়ে নির্মিত ‘২৫’ ওয়েব সিরিজের প্রথম পর্ব ‘ওয়াক্ত’। ভৌতিক সিনেমাতে নুহাশ হুমায়ূন বরাবরই চমক দিয়ে এসেছেন, এবারও তার ব্যতিক্রম হয়নি। গল্পটি পাঁচ বন্ধুর মধ্যে ঘটে যাওয়া পাঁচটি ভিন্ন সময়ের ঘটনাকে কেন্দ্র করে। তারা কী পারবে এই অলৌকিকতা থেকে বেরিয়ে আসতে? দুর্দান্ত সিনেমাটোগ্রাফি এবং ব্যাকগ্রাউন্ড সাউন্ড আপনাকে মুগ্ধ করে রাখবে পর্বটির পুরোটা সময়। এই সিরিজের মাধ্যমে দীর্ঘদিন পর বিনোদনপাড়ায় এলেন অ্যালেন গুজ। পর্বটিতে বিভিন্ন চরিত্রে অভিনয় করেন রিজভী রিজু, রেফাত হাসান সৈকত, আবদুল্লাহ আল সেন্টু, রাফায়াতুল্লাহ সোহানসহ আরও অনেকে।

## অ-পুরুষ - বঙ্গ


২৭ ডিসেম্বর ওটিটি প্ল্যাটফর্ম বঙ্গ’তে মুক্তি পায় মোশাররফ করিম অভিনীত এবং জসিম মন ও তাইফুল জাহান আশিক পরিচালিত ওয়েব ফিল্ম অপুরুষ। গল্পটি বাংলাদেশের একটি ছোট গ্রামকে নিয়ে যেখানে একটি চক্র ক্রমাগত নারীদের ধর্ষণ ও হত্যাকাণ্ড চালিয়ে আসছে। তবে কোনোভাবেই তাদের ধরা যাচ্ছে না। এর সুরাহা করতে গ্রামে আসেন সাংবাদিক জুই ও মোশাররফ করিম। তবে তদন্ত করার সময় তারা নানা বাধার সম্মুখীন হন। তারা কী পারবেন অপরাধী চক্রকে ধরতে, না কি আত্মসমর্পণ করতে হবে তাদের। জানতে হলে দেখতে হবে ওয়েব ফিল্মটি। বিভিন্ন চরিত্রে অভিনয় করেছেন মোশাররফ করিম, রোবেনা রেজা জুই, শেখ উজ্জ্বল হোসেন, সাইমা অথৈই, জয় রাজ, সমু চৌধুরীসহ আরও অনেকে।



## ফেলুদার গোয়েন্দাগিরি-ভূষর্গ ভয়ংকর - হইচই

ফেলুদা মানেই বাঙালির আবেগ। এমন অনেক বাঙালি রয়েছেন, যারা ফেলুদার গল্প গুলে খেয়েছেন, জিজ্ঞাসা করলেই গড়গড়িয়ে বলে দেবেন! এবার সেই কিংবদন্তি চরিত্রকে ওটিটিতে বন্দি করলেন পরিচালক সৃজিত মুখোপাধ্যায়। ২০ ডিসেম্বর ওটিটি প্ল্যাটফর্ম হইচই’তে মুক্তি পায় ‘ফেলুদার গোয়েন্দাগিরি-ভূষর্গ ভয়ংকর’। সিরিজটির গল্প এগোয় ফেলুদা আর লামোহনবাবুকে নিয়ে। তারা ছুটি কাটাতে কাশ্মীরে যান। সেখানেই তাদের আলাপ হয় অবসরপ্রাপ্ত বিচারপতি সিদ্ধেশ্বর মল্লিক ও তার সহকারী সুশান্তের সঙ্গে। তারপরই ফেলুদা জড়িয়ে পড়েন মল্লিক সাহেবের পরিবারের সঙ্গে। সিদ্ধেশ্বরবাবু শেষ বয়সে এসে নিজের দেওয়া কিছু ফাঁসির আদেশ নিয়ে বেশ চিন্তিত থাকেন। তবে হঠাৎ তাকে খুনের চেষ্টা করা হয়। ফেলুদা কী পারবে সিদ্ধেশ্বরবাবুকে বাঁচাতে। ছয় পর্বের সিরিজটিতে বিভিন্ন চরিত্রে অভিনয় করেছেন টোটা রায়চৌধুরী, কল্পনা মিত্র, অনির্বাণ চক্রবর্তী, ঋদ্ধি সেন, দেবেশ চট্টোপাধ্যায়, অনিরুদ্ধ গুপ্তসহ আরও অনেকে।





## টেকা - হইচই

২৭ ডিসেম্বর ওটিটি প্ল্যাটফর্ম হইচই'তে মুক্তি পায় সৃজিত মুখোপাধ্যায় পরিচালিত থ্রিলার মুভি 'টেকা'। গল্পে ইখলাকের চরিত্রে অভিনয় করেন দেব। ইখলাকের অনেক রাগ। আর এই রাগ আর মেজাজের জন্যই কাজ হারান তিনি। অন্যদিকে তার ছেলেকেও স্কুল থেকে মাইনে না দিতে পারার কারণে বহিষ্কার করা হয়। নিজের চাকরি ফিরে পেতে দেব একটি স্কুলের বাইরে থেকে অপহরণ করেন স্বস্তিকা ওরফে ইরার মেয়েকে। পুলিশকে তিনি জানান, তিনি যে অফিসে পরিচ্ছন্নতাকর্মীর কাজ করতেন, সেখানকার মালিককে তার চাকরি ফিরিয়ে দিতে হবে, তাহলেই তিনি মেয়েটিকে ছাড়বেন। অন্যদিকে কেসের দায়িত্ব নেয় রুশ্বিণী মৈত্র ওরফে মায়া। মায়া কী পারবেন বাচাটিকে বাঁচাতে। দেবের পাশাপাশি ছবিটিতে অভিনয় করেন পরাণ বন্দ্যোপাধ্যায়, রুশ্বিণী মৈত্র, স্বস্তিকা মুখোপাধ্যায়সহ আরও অনেকে।

## দ্য সিক্স ট্রিপল এইট - নেটফ্লিক্স

শ্রেষ্ঠাঙ্কুহে মুক্তির পর ২০ ডিসেম্বর ওটিটি প্ল্যাটফর্ম নেটফ্লিক্সে মুক্তি পায় টেইলর প্যারি পরিচালিত ঐতিহাসিক যুদ্ধ ঘরানার 'দ্য সিক্স ট্রিপল এইট' সিনেমা। টেইলর প্যারি এর আগেও বেশ কয়েকটি সিনেমা তৈরি করলেও ঐতিহাসিক যুদ্ধ নিয়ে এটিই তার প্রথম সিনেমা। গল্পটি শুরু হয় নারীদের নিয়ে গঠিত দ্বিতীয় বিশ্বযুদ্ধের সেন্ট্রাল পোস্টাল ডিরেক্টরি ব্যাটালিয়নকে নিয়ে। এদের সবাই ছিল নারী এবং কৃষ্ণাঙ্গ। দ্বিতীয় বিশ্বযুদ্ধে তাদের ভূমিকা নিয়ে তেমন কোনো আলোচনাই হয়নি। অথচ এই ব্যাটালিয়নের সদস্যরা মাত্র তিন মাসে সৈনিকদের ১ কোটি ৭০ লাখের বেশি চিঠি বাছাই করেছিল, পৌঁছে দিয়েছিল স্বজনদের কাছে। এই ব্যাটালিয়নের ভূমিকা নিয়েই তৈরি হয়েছে 'দ্য সিক্স ট্রিপল এইট'। সিনেমাটিতে বিভিন্ন চরিত্রে অভিনয় করেন কেব্রি ওয়াশিংটন, মিলনা জ্যাকসন, ইবনি অবসিডিয়ানসহ আরও অনেকে।



## ভার্জিন রিভার - নেটফ্লিক্স

১৯ ডিসেম্বর ওটিটি প্ল্যাটফর্ম নেটফ্লিক্সে মুক্তি পায় মার্টিন উড পরিচালিত জনপ্রিয় ওয়েব সিরিজ 'ভার্জিন রিভার'র ষষ্ঠ কিস্তি। দর্শকদের ব্যাপক আত্মহের কারণে পরিচালক মার্টিন উড দ্রুত সিরিজটির ষষ্ঠ কিস্তি নিয়ে এলেন। এই সিজনের গল্পটিও মার্কিন লেখক রবিন কারের উপন্যাস থেকে নেওয়া হয়েছে। এবারও আলেকজান্দ্রা ব্রেকিনরিজ ও মার্টিন হেভারসন তাদের সেরা অভিনয় করেছেন সিরিজটিতে। রোমান্টিক ড্রামা সিরিজটি মুক্তির পর থেকেই দর্শকদের আলোচনার তুঙ্গে। ১০ পর্বের এই সিরিজটিতে বিভিন্ন চরিত্রে অভিনয় করেন টিম ম্যাথেনসন, ডার্নন মুলিনস, অ্যান্টে ও'টুল, কলিন লরেন্স মিডলটন, জন অ্যালেন নেলসনসহ আরও অনেকে।

## দ্য সিক্রেট লাইভস অব অ্যানিমেলস - অ্যাপল টিভি প্লাস

১৮ ডিসেম্বর ওটিটি প্ল্যাটফর্ম অ্যাপল টিভি প্লাসে মুক্তি পায় হাজ বন্নিভিলির ডকুমেন্টারি স্ট্রিম 'দ্য সিক্রেট লাইভস অব অ্যানিমেলস'। মুক্তির আগে থেকেই এ তথ্যচিত্র নিয়ে আত্মহ তৈরি হয়েছিল। প্রিমিয়ারের পর ব্যাপকভাবে প্রশংসিত হয় তথ্যচিত্রটি। তিন বছর ধরে ২৪টি দেশের ৭৭টি প্রজাতির প্রাণীর জীবনযাপন নিয়ে নির্মিত হয়ে তথ্যচিত্রটি। এতে উঠে এসেছে এসব প্রাণীর জন্ম, বড় হওয়া, খাবার গ্রহণ করা থেকে শুরু করে তাদের জীবনে ঘটে যাওয়া ঘটনা ও তাদের জীবনযাত্রা সম্পর্কে নানা প্রসঙ্গ।

